

Mensahe 2

Ang Diosnon ug Misticong Ginsakpan

Basahong Kasulatan: Juan 14:10-11, 16-20; 1 Cor. 15:45b;
2 Cor. 3:17-18; 13:14; Gal. 3:14

I. Kinahanglan nga dunay tin-awng panlantaw, kun panan-awon, ang tanang balaan sa pahiuili sa Ginoo kalabot sa pisikal nga ginsakpan ug sa diosnon ug misticong ginsakpan—Prov. 29:18a; Buh. 26:19:

- A. Ipakabilihon gyod nato ang diosnon ug misticong ginsakpan sa lalom nga pagpasilsil sa atong panumdoman sa tatawng kalainan: yutan-on kontra langitnon, balaodnon kontra organico, objectibo kontra subjectibo, pisikal kontra mistico—Rom. 5:10; Heb. 8:1.
- B. Mosulod gyod ta sa ginsakpan, kahimtangan, o gingharian, nga habog pa kaayo sa ginsakpang nahimutangan nato karon; kining mas habog nga ginsakpan mao ang diosnon ug misticong ginsakpan.
- C. Mosulod ta sa diosnon ug misticong ginsakpan sa pagkakita nato ning ginsakpana; sa espirituhanong mga butang ang pagkakita pagsulod man—Juan 3:3, 5.

II. Diosnon ug misticong ginsakpan ang Tulo-usang Dios mismo—14:10-11:

- A. Ang Tulo-usang Dios—ang tulo sa Diosnong Trinidad—naanaa-sa-ilang-kaugalingon, naa-sa-dayon, nagdungan sa pagkaanaa, ug nagpuy-anay sa usag usa, ug kay ingon niana man, diosnon ug misticong ginsakpan ang Amahan, ang Anak, ug ang Espiritu, ug nagpuy-anay sa usag usa ang tulo sa Diosnong Trinidad—Mat. 28:19; 2 Cor. 13:14.
- B. Matod pa sa Juan 14:10 ug 11, naa sa Amahan ang Anak, ug naa sa Anak ang Amahan; nagpakita kini nga gipakalawas sa Anak ang Amahan ug pagkalawas sa Amahan ang Anak, nga napormang diosnon ug misticong ginsakpan, ang ginsakpan sa Tulo-usang Dios.

III. Ang diosnon ug misticong ginsakpan nga kasudlan nato karon ug kapuyan nato sa pagkatinuod dili man ang diosnon ug misticong ginsakpan lang sa Tulo-usang Dios; ang diosnon ug misticong ginsakpan kini sa nahingpit nga Espiritu ug sa pneumaticong Cristo—Fil. 1:19; Rom. 8:9; 2 Cor. 3:17-18; Gal. 3:14:

- A. Gipadayag sa Biblia nga nahimong nahingpit, malangkobon-sa-tanan, ug sinagol nga Espiritu ang Espiritu—Juan 7:39; 14:16-17; 20:22; Rom. 8:9; Fil. 1:19:
 1. Ang pamulong *nahingpit nga Espiritu* nagpasabot nga nahikay na ang Espiritu ug tungod niana nahimo nang nahingpit nga Espiritu—Juan 7:39.
 2. Ang nahingpit nga Espiritu mao ang sinagol nga Espiritu nga gihulagwayan sa lanang igdihog—Exo. 30:23-25:
 - a. Sa pagkabanhaw ni Cristo nasagol ang Espiritu sa Dios sa pagka-tawo ni Cristo, lakip na ang Iyang kamatayon ug ang pagkaepektibo niini, ug ang Iyang pagkabanhaw ug ang gahom niini—Fil. 3:10.
 - b. Anglugwa ningpanagsagola mao ang sinagol, nahingpit nga Espiritu—1:19.
 3. Ang nahingpit nga Espiritu mao ang Tulo-usang Dios nga diha ni Cristo niagi sa kahikayan sa pagpakatawo, pagkinabuhi isip tawo, pagkalansang sa krus, ug pagkabanhaw—Juan 7:39.
- B. Gipadayag sa Biblia nga nahimo nang pneumaticong Cristo si Cristo—1 Cor. 15:45b:
 1. Pinaagi sa kamatayon ug pagkabanhaw ni Cristo nahimo Siyang Espiritung

taghatag-og-kinabuhi ug sa ingon niana nahimong pneumaticong Cristo—v. 45b; 2 Cor. 3:17-18.

2. Busa, makahisgot ta sa diosnon ug misticong ginsakpan sa nahingpit nga Espiritu ug ning pneumaticong Cristo—Juan 7:39; Gal. 3:14; 1 Cor. 15:45b.

IV. Sa kasinatian nato sa pagkatinuod mahimo tang bahin sa diosnon ug misticong ginsakpan sa nahingpit nga Espiritu ug sa pneumaticong Cristo—Juan 14:16-20; 17:21-23:

- A. Nahimo tang bahin sa diosnon ug misticong ginsakpan pinaagi sa diosnong pagkahimugso; pinaagi sa pag-anak pag-usab nahimugso ta ngadto sa diosnon ug misticong ginsakpan—3:5-6.
- B. Nahimo tang bahin sa diosnon ug misticong ginsakpan sa pag-ambit nato sa kinabuhi (v. 15), kinaiya (Efe. 1:4; 2 Ped. 1:4), hunahuna (Efe. 4:23; Fil. 2:5), pagkamao (2 Cor. 3:18b; Efe. 3:8), dagway (2 Cor. 3:18a; Rom. 8:29), himaya (v. 30; Heb. 2:10), pagkaanak (Efe. 1:5; Rom. 8:23), pagpadayag (v. 19), ug pagkasama sa Dios (1 Juan 3:2).
- C. Nahimo tang bahin sa diosnon ug misticong ginsakpan sa pagkatukod nato sa Lawas ni Cristo—Efe. 4:16:
 1. Ang Lawas ni Cristo mao ang diosnon ug misticong ginsakpan, ug labi tang maanaa sa realidad sa Lawas ni Cristo, labi sab tang maanaa sa diosnon ug misticong ginsakpan—Rom. 12:4-5; 1 Cor. 12:12-13, 27; Efe. 1:22-23; 4:16.
 2. Gisakot ang mga magtutuo aron mahimong usa ka persona nga mahimong misticong Lawas ni Cristo—1 Cor. 12:24, 27.

V. Isip mga magtutuo ni Cristo, mga anak sa Dios, magkinabuhi gyod ta diha sa diosnon ug misticong ginsakpan—Rom. 8:16; Juan 14:2-3, 20; 1 Cor. 15:45b; Gal. 3:14; 2 Cor. 3:17-18:

- A. Ang diosnon ug misticong ginsakpan nga kasudlan ug kapuy-an nato mao ang diosnon ug misticong ginsakpan sa nahingpit nga Espiritu ug sa pneumaticong Cristo; kat-onan gyod nato nga magkinabuhi ning matahom nga ginsakpan—Fil. 1:19; 2 Cor. 13:14; Gal. 3:14.
- B. Diha sa diosnon ug misticong ginsakpan, madawat nato ang Espiritu nga bugtong-talagsaon, malangkobon-sa-tanan nga panalangin—vv. 2, 5.
- C. Diha sa diosnon ug misticong ginsakpan, madawat nato ang pagpalatay sa nikayab nga Cristo ug ang sangkap sa langitnong pagpangalagad Niya—Efe. 1:22; Heb. 8:1-2.
- D. Diha sa diosnon ug misticong ginsakpan, masinati nato ang organicong kaluwasan sa Dios—Rom. 5:10.
- E. Diha sa diosnon ug misticong ginsakpan, magkinabuhi ta diha sa gingharian sa Dios nga ginsakpan sa diosnong kaliwat—Juan 3:3, 5.
- F. Diha sa diosnon ug misticong ginsakpan, magkinabuhi ta diha sa panag-ambitay sa diosnong kinabuhi—1 Juan 1:3, 7; Buh. 2:42.
- G. Diha sa diosnon ug misticong ginsakpan, magkinabuhi ta sa diha-dayon ug dilina-paningkamotan-pa nga Cristohanong kinabuhi sumala sa awtomatikong pagbuhat sa balaod sa kinabuhi—Rom. 8:2.
- H. Diha sa diosnon ug misticong ginsakpan, magkinabuhi ta sa pagkamatinudanon nga pagpadayag sa gipadayag nga diosnong realidad—2 Juan 1; 3 Juan 1; Juan 4:23-24.
- I. Diha sa diosnon ug misticong ginsakpan, masagol ta sa nahikay nga Tulo-usang Dios aron maampingan ang pagkausa—17:21, 23:
 1. Naa sa Tulo-usang Dios ang tinuod nga pagkausa—Mat. 28:19; Juan 17:21, 23.

2. Ang tinuod nga pagkausa mao ang panagsagol sa mga magtutuo ug sa Tulo-usang Dios—2 Cor. 13:14:
 - a. Aron mabatonan kanang pagkausaha, maanaa gyod ang mga magtutuo sa nahingpit nga Espiritu ug sa pneumaticong Cristo isip diosnon ug misticong ginsakpan.
 - b. Nausa sa Tulo-usang Dios ang mga magtutuo diha sa diosnon ug misticong ginsakpan sa nahingpit nga Espiritu ug sa pneumaticong Cristo.

VI. Magkinabuhi gyod ang tanang magtutuo diha sa diosnon ug misticong ginsakpan ug mahimong diosnon ug misticong tawo, nga tawo apan diosnong nagkinabuhi—Gal. 2:20; 2 Cor. 10:1; 13:14:

- A. Diosnon apan tawhanon gyod unta ta—dili lang tawo kondili misticong tawo; diosnon ug mistico gyod unta ang tanan sa pagkinabuhi nato—Juan 14:16-20.
- B. Ang pagka-diosnon nagpasabot nga nagbuhat ta sa tanan uban sa Dios, diha sa Dios, pinaagi sa Dios, ug tungod sa Dios—1 Cor. 10:31; Col. 3:17.
- C. Sama ni Ginoong Jesus, sa dayag pisikal ta apan dili makita nga diosnon ug mistico, nga nagkinabuhi diha sa pisikal nga ginsakpan samtang nagkinabuhi sab sa diosnon ug misticong ginsakpan—Juan 3:13; Efe. 4:20-21; Heb. 4:16; 13:13.

VII. “Niadtong panahona duha ka lalaki ang naa sa umahan; kuhaon ang usa ug biyaan ang usa. Duha ka babaye ang maggaling sa galingan; kuhaon ang usa ug biyaan ang usa”—Mat. 24:40-41:

- A. Ang duha ka lalaki ug duha ka babaye nagrepresentar sa buhing mga magtutuo sa panahon sa ikaduhang pag-anhi sa Ginoo—Bug. 14:1, 4b.
- B. Ang kuhaon kana mang malalin sa dili pa ang dakong kasakitan—Mat. 24:21; Bug. 3:10:
 1. Nagpasabot ang Mateo 24:40-41 sa sekretong paglalin, ang paglalin sa mga andam na, sa mga hamtong na—Bug. 14:4b.
 2. Ang kalainan sa gikuha ug sa gibiyaan naa sa pagkahamtong nila sa kinabuhi; nagkinabuhi ang usa diha sa diosnon ug misticong ginsakpan, ug wala magkinabuhi ang usa pa—Mat. 24:40-41.
- C. Nagpakita ang pulong sa Ginoo sa Mateo 24:40-42 nga samtang naghulat ta sa Iyang pag-anhi ug naglaom nga malalin, magmatinumanon gyod ta sa adlaw-adlaw natong mga kaakohan, magkinabuhi sa husto ug balanse nga tawhanong kinabuhi samtang nagkinabuhi sa samang panahon diha sa diosnon ug misticong ginsakpan sa nahingpit nga Espiritu ug sa pneumaticong Cristo—itandi sa 2 Tes. 3:6-15.